

| | | | |
|------------|---|-------------|---------------------|
| Headline | Malaysia manfaat teknologi bangunkan masa depan | | |
| MediaTitle | Berita Harian | | |
| Date | 18 Oct 2019 | Color | Full Color |
| Section | Bisnes | Circulation | 82,252 |
| Page No | 34 | Readership | 246,756 |
| Language | Malay | ArticleSize | 418 cm ² |
| Journalist | Mahanum Abdul Aziz | AdValue | RM 13,841 |
| Frequency | Daily | PR Value | RM 41,523 |



Malaysia manfaat teknologi bangunkan masa depan

Lokasi strategik, hubungan antarabangsa pacu kemakmuran ekonomi negara

Oleh Mahanum Abdul Aziz
mahanum_aziz@bh.com.my

Malaysia berada dalam kedudukan terbaik untuk memanfaatkan sepenuhnya teknologi dalam membentuk masa depan yang lebih baik demi meraih kemakmuran ekonomi bersama, demikian kata bekas Pengasas dan Pengarah Eksekutif United Nations Global Compact (UNGC), Georg Kell.

Tokoh global yang memperkenalkan konsep ESG (Alam Sekitar, Sosial dan Tadbir Urus Korporat) dan kemapanan korporat itu optimis dengan potensi Malaysia dalam menggunakan teknologi untuk pembangunan masa depan.

Beliau berkata, selain teknologi, kedudukan negara ini yang terletak dalam rantau yang mempunyai pasaran besar, jumlah penduduk muda yang tinggi dan bersikap neutral dalam hubungan antarabangsa juga akan meletakkan Malaysia dalam



Mujahid bersama dari kiri, Rakan Kongsi Arabesque Asset Management UK; Gabriel Karageorgiou; Mohamed Ridza, Kell; Mohd Muazzam; Pengarah Urusan Kumpulan Tabung Haji, Nik Mohd Hasyudeen Yusoff dan Najmuddin pada pelancaran dana BIMB-Arabesque i Global Dividend Fund 1 di Kuala Lumpur, semalam.

(Foto Nurul Shafina Jemenon/BH)

landasan kukuh membentuk masa depan lebih baik.

“Saya melihat Malaysia dari awal lagi sudah menggunakan teknologi. Teknologi adalah kunci masa depan dan pemasukan utama kemakmuran,” kata Pengerusi Arabesque Partners ketika ditemui di BIMB Investment’s ESG Investment Talk 2019 anjuran BIMB Investment Management Bhd di Kuala Lumpur, semalam.

Kell mempunyai pengalaman kira-kira 30 tahun bersama Pertubuhan Bangsa-Bangsa Bersatu (PBB) dalam memantau pembangunan di rantau utama di dunia termasuk Asia Tenggara.

Pada majlis itu, BIMB Investment turut melancarkan dana

Ekuiti ESG-Syariah Globalnya, BIMB-Arabesque i Global Dividend Fund 1 untuk pelabur runcit dengan pelaburan awal hanya RM500.

Pelancaran dana dan pembukaan syarahan pelaburan itu disempurnakan oleh Menteri di Jabatan Perdana Menteri, Datuk Seri Dr Mujahid Yusof.

Hadir sama ialah Pengerusi BIMB Investment, Mohamed Ridza Mohamed Abdulla, Ketua Pegawai Eksekutif Bank Islam Malaysia Bhd, Mohd Muazzam Mohamed dan Ketua Pegawai Eksekutif BIMB Investment, Najmuddin Mohd Lutfi.

Mengulas mengenai BIMB-Arabesque i Global Dividend Fund 1, Najmuddin berkata, dana itu adalah dana ekuiti sya-

riah global terbesar di negara ini yang dilancarkan pada November 2015 untuk pelabur sofistikated.

Beliau berkata, saiz dana itu kini sudah mencapai RM1 bilion dengan mencatatkan prestasi pulangan tiga tahun sebanyak 25.46 peratus setakat 4 Oktober lalu.

Katanya, dengan sambutan yang memberangsangkan dari pada pelabur dan prestasi kukuh dana itu mendorong piagnya membuka langganan untuk pelabur runcit.

“Dengan pelancaran untuk pelabur runcit, kami menyaskan dana ini mencatatkan pertumbuhan 10 hingga 15 peratus dalam tempoh 12 bulan,” katanya.